



Kommuneqarfik Sermersooq

Isumaginninnermut, Suliffeqarnermut Inuussutissarsiornermullu
Ingerlatsivik
Forvaltningen for Velfærd, Arbejdsmarked og Erhverv

Ulloq /Dato: 30.12.2015

J. nr.: 74.02.00

Allakkap normua: 2015-01-02-0122

Aatsitassanut Ikummatissanullu Aqutsisoqarfik

[uunga e-mailikkut nassiunneqartoq: mlsa@nanoq.gl]

Ironbarksimit Citronen Fjordimi zinkimik aqerlumillu pīiaanissamik qinnuteqaammut tunngatillugu Inuiaqatigiinni piujuartussamik iluaqutaasumik sunniutaasussanik (VSB) aamma avatangiisinik nalilersuinerit (VVM) pillugit tusarniaassummut Kommuneqarfik Sermersuumit akissuteqaat

Tusarniaassummut matumunnga ilanngusseqataasinnaaneq pillugu Kommuneqarfik Sermersuumit qujaneq iluatsillugu Citronen Fjordimi Ironbarksip aqerlumik zinkimillu pīiaanissaanik akuersissummik tunniussinissamut tunngavissiisoqarnissaa kommunimit neriutigineqartoq maluginiaqquneqarpoq.

Taamaalilluni suliniummi allaaserineqartumi periarfissat nutaat inuiaqatigiinnut tutsinneqarsinnaasut Kommuneqarfik Sermersuumit pitsaasutut isigineqarput. Tamakkununnga ilanngullugit isertitat amerlanerusut, atugarissaarnermut, aatsitassarsiorfimmik pīorsaaneq, ilinniarfissanik, suliffimmi qaffakkiartuaarnissamik suliffinnillu pilersitsinissanut aamma aatsitassarsiorfiup malitsigisaanik kalaallit suliffeqarfiutaannut suliakkiisinnaanerit amerlanerusut misilittakkanik pīorsaanissamut inuiaqatigiinni iluanaaruteqarnerunerit.

Saviminissamik assartuinissami suliassartaqarnissaa Kommuneqarfik Sermersuumit maluginiarpa, tamatumunnga ilanngullugu “Nordøstvandetspolyniet”, uumasut piniagassaq anersaartortarfiattut taaneqartartoq eqqaqqullugu ingerlanissami. Tamanna ima tikikkuminaatsigaaq allaat ukiut arlerlugit umiarsuarit tikkineqarsinnaasarani. Suliniutip aallartinneqannginnerani ajornartorsiutip tamassuma erseqqissaassutigineqarnissaa Kommuneqarfik Sermersuumit kaammattuutigaa, aammalu immikkut ilisimasallit arlaannaannulluunniit attuumassuteqanngitsut pisuni ataasiakkaani Citronen Fjordimut/-miit assartuinerup aallartinneqannginnerani nalilersuisarnissamut periusissamik aalajangersaasoqarnissaa qulakkeerneqassasoq.

Suliniutip malitsigisaanik CO₂-mik annertunerusumik aniatitsinissaq Kommuneqarfik Sermersuumi ernumassutigineqarpoq, taamaattumillu CO₂-mik aniatitsinerup sapinngisamik annikillisarneqarnissaanik sulissutiginnittoqarnissaa kaammattuutigineqarpoq. Suliniut taamatut annertutigisoq aarlerinalaanngitsooranilu aamma inuiaqatigiinnut avatangiisinullu kingunerisinnaasanik ilungersunartunik soorunami qulaajaaffiusariaqarpoq. Suliniut taamatut annertutigisoq avatangiisinik sunniutit, upalungaarsimaneq ajutooriataarsinnaanerillu, najukkami inuiaqatigiinnut sunniutit inuiaqatigiillu sunniutinik tamakkuninnga sungiussisinnaanerat pillugit aporaattoqanngitsoorunaranilu ernumatitsinngitsoorunnangilaq.

Inuiaqatigiinni piujuartussamik iluaqutaasunik sunniutissat

Kommuneqarfik Sermersuumi aatsitassat pillugit periusissami aatsitassanik suliniutip nangingneqarneratut najukkami sulisartut suliffeqarfiillu timitaliillutik pitsaanerpaamillu peqataanissaasa piginnaasaannillu ineriartortitsinissat pitsaanerpaanik tunngavissinneqarnissaat ersarissumik siunertarineqarpoq. Taamaattumik tusarniaassummut akissuteqaammi matumani aamma IBA-it (Impact Benefit Agreement (IBA) pillugit isumaqatiginninniarneni,

Kommuneqarfik Sermersuumi pissusissamisoortumik peqataanissamut qilanaarineqartumi, taamatut qitiutitsineq pingaartinneqartorujussuuvoq.

Inuussutissarsiutitut suliniummit taamatut ittumit akileraarutinit akitsuutinillu isertitassat soorunami amerlasuujussasut Kommuneqarfik Sermersuumi maluginiarneqarpoq, kisianni suliniutip nunani tamalaani atorneqarsinnaasunik misilittagaqalernissamut sulisartunik suliffeqarfinnillu piginnaasanik piorsaanissatut ittunik sunniuteqartoqarnissaa soorunami aamma taamatulli pingaaruteqartigissasoq Kommuneqarfik Sermersuumit kissaatigineqarpoq. Tamanna ilaatigut kommuninik, ilinniarfinnik, qitiusumik ilinniarfinnik tamakkunungalugu assingusunik oqartussaaffeqarfinnik qanimut oqaloqatigiinnikkut pissaaq.

Suliniutip malitsigisaanik toqqaannartumik suliffeqalernissat - aatsitassarsiorfimmi sulilernerit

Aqerlumik saviminissamillu aatsitassarsiorfiliorneq taassuminngalugu ingerlatsineq sanaartornerup iluanit immikkoortunit assigiinngitsunit sulisartunik ilinniagaqarsimasunik ilinniagaqarsimanngitsunillu amerlasuunik sulisoqartariaqarpoq, sanaartorneq, maskiinanik ikkussuinerit, saviminernik sanaanik nappaatiterinerit, innaallagissiuutinik ikkussuinerit, betonilerinerit, imminut isumagisunngorsaanerit (automatisering), aqutsinerit il.il. ilanngullugit. Tamanna unammillernartunik suliassartaqarpoq aamma iluatsitsisoqassappat sulisartunik kalaallinik nukittorsaasoqassaaq. Suliniutip aallartinneqarnissaata tungaanut aallartinneqarneranilu kalaallit sulisartut annertuumik piginnaanngorsarneqartariaqassapput, taamaalillutik sulisartut arlallit kalaallit sulisorineqarsinnaaniassammata. Sanaartortoqalinnginnerani illuatungeriinnit attuumassuteqartunit tamanit immikkut suliniuteqartoqarnissaa Kommuneqarfik Sermersuumi aalajangiisuusumik pingaartinneqarpoq, taamaalilluni pilersitsinerup aallartinneqarneraniit sukkulluunniit kalaallit Citronen Fjordimi sulisorineqalersut imminnullu tapersersoqatigiissinnaasut sulisorineqalerniassammata, taamaattoqarsinnaanngippalli suliniummi sulisussanik najukkami najugaqartunik suli amerlanerusunik sulisussarsiornerit toqqaannanngikkaluamik ikiuuttoqarsinnaaniassammata.

Kommuneqarfik Sermersuumit VSB'-p immikkoortua 1. 9. allassimasoq eqqarsarnartoqartinneqarpoq imatut (ataatigut titarparput): "*Sanaartornerup ingerlanerani nunaqavissut 20 % -iisa sulisorinissaat anguniagaavoq*". Kommuneqarfik Sermersuumit anguniagaq taanna naammaginarinneqanngilaq, siunnersuutigalugulu Ironbark arlalinnik piumasqaateqarfineqassasoq, ulloq siullermit sulisut nunaqavissut 15-20%-iunissaat, taannalu aallaavigalugu amerlisikkiartuaarneqassasut, siulianilu taaneqartoq "krisiske masse" anguneqarsimasariaqartoq.

Suliniutip malitsigisaanik aamma maannakkut sulilluartut aqerlumik zinkimillu aatsitassarsiorfimmut qinnuteqaateqarsinnaapput, taamaalillunilu assersuutigalugu Kommuneqarfik Sermersuumi illoqarfinni atorfioreersut sulisunik allanik inuttalernerneqartariaqalissallutik. Taamaalilluni inuit siornatigut suliffissaaleqisuusimasut kalaallinut aalajangersimasumik sulisartunut ilanngunnissaannut ilinniarinneqarsinnaallutillu piginnaasaannik ineriartortitsisoqarnissaanut periarfissiisoqassaaq. Aatsitassarsiorfiup pilersinneqarnerani manna tikillugu suliffissaaleqisuusimasut piginnaanngorsarneqarnissaat aatsitassarsiorfiullu pilersinneqarnerata malitsigisaanik aalajangersimasumik atorfeqalersinneqarsinnaanerata ataatsimut anguniagaasariaqarpoq.

Kommuneqarfik Sermersuumi Inuiaqatigiinni piujuartussamik iluaqutaasumik sunniutaasussani immikkoortoq 1.9.3 maluginiarneqarpoq. Sulisut timmisartumik angallanneqartarnissaat

Ironbarkimit isumagineqartarniarqoq pitsaasuuvooq, taamaattorli immikkoortumi allaaserineqartut sulisartut angallanqartarnissaasa atorluarneqarnissaat eqqarsaatigalugu tamatuma piiaanissamik akuersissummi piumasaaqatitut ersarissumik ilanngunneqarnissaa siunnersuutigineqassaaq, ingammik oqaaseqatigiit tullinnguuttut uku maluginiarneqarput (uagut ataatigut titakkavut): *"Kommunini tamani illoqarfigisamit Kangerlussuarmut timmisartornernut aningaasartuutinut matussutissatut eqqarsaatersuutiginnarlugu Ironbarkimit angalanermut ajunngitsorsiassaqartitsisoqassaaq"*. Piiaanissamik akuersissutikkut kalaallit sulisartut, arlaannaannulluunniit attuumassuteqanngitsumik isigalugu, paarlakaajaallutik sulisarnissaannik aaqqiinerit tamarmik nunani allani sulisartunut sukkulluunniit unammillertuusinnaasariaqartut piumasaaqatigalugu qulakkeerneqartariaqarpoq, Kalaallit Nunaanni / nunani allani sumiluunniit najugaqarneq apeqqutaatinnagu. Taamaattumik ajornartorsiutip tamatuma sukumiisumik suliarineqarnissaa pingaaruteqartorujussuuvooq aamma angallassisarnissamut periarfissanut tunngatillugu taamatut angallassisarneq taamaallaat aallaavigalugu sulisartut nunanit allaneersut kisiisa ornigineqannginniassammata.

Allorniusani sanimukartuni tamakkunani attaveqaasersuinerit immikkut ittunik unammillernartunik suliasartaqarsinnaasartut Kommuneqarfik Sermersuumi ilisimaneqarpoq aamma Kommuneqarfik Sermersuumit suliasat tamakku immikkut unammillernartortallit qanoq isumagineqarsinnaanerit pillugit paasisutissat amigaatigineqarput. Tamatumani isumannaallisaaneq aamma sulisunut ullutsinnut naleqquttunik atugassaqartitsisinnaanerit eqqarsaatigalugit pitsaasumik attaveqarsinnaanerit aalajangiisuupput, assersuutigalugu ullut tamaasa angerlarsimaffigisamut sianersinnaanerit. Nalinginnaanerumik sulisartunik kalaallinik sulisartunillu allanik sulisussarsiorinissamut tamakkuninngalu tigumminniinnarnissamut atugarissaarnermut atortorissaarutit minnerpaaffissatut suut allaaseralugit Ironbarkimi eqqarsaatersuutigineqarnerisut ujartorneqarnerupput, ajornartorsiutip piiaanissamik akuersissummi piumasaaqatigineqartariaqartut. Aatsitassarsiorfissap sumiiffia eqqaamallugu piiaanissamik akuersissuteqarnermi ukiumi sivisuumi kaperlammit sunnertittarnerit eqqarsaatigalugit qanoq iliuseqartoqartarnissaanik piumasaaqateqartoqarnissaa eqqarsaatigineqartariaqartoq siunnersuutigineqarpoq.

Kalaallit sulisartut sulisorineqartussat amerlasuunngortinniarneqarnerannik anguniagaqarluarneq Kommuneqarfik Sermersuumit isumaqataaffigineqarpoq Ingerlatsinerup aallartinneranit ukiut pingajuannit arfineq-aappassaannut ingerlanerini, 1.9.1 takuuk. (assersuutigalugu ukiut arfineq-marluk ingerlatsisoqareerpat kaallit sulisartut 90%-iunissaat), taamaattorli taamatut ineriartortitsiniarnermi atortut suut atorineqarnissaat pillugit sukumiinerumik allaaserinninnerit amigaatigineqarput, kalaallit sulisartut ineriartortinneqarnissaat sulisussarsiariniarneqarnissaallu aamma sulisartut nunami allamiut "atorunnaariartuaarnissaat" eqqarsaatigalugit (sulisartut nunanit allaneersut ilaasa piffissani killilinni atorfeqartinneqartarnissaat pineqassanerluni?).

Suliniutip malitsigisaanik toqqaannangikkaluartumik suliffissaqartitsineq - kalaallinik pisiniartarfinnik suleqateqarnerit

Suliniut taamatut ittoq ilutigalugu Kalaallit Nunaanni namminersorlutik inuussutissarsiuteqareersuni immikkoortut attuumassuteqartut piorsaaffigineqarnissaasa pingaaruteqassusiat Kommuneqarfik Sermersuumit erseqqissaatigineqarusuppoq. Namminersorlutik inuussutissarsiuteqartut oqaloqatigineqarnerisigut kalaallit suliffeqarfiutaat Citronen Fjordimi suliniummut qanoq piareersarneqarsinnaanerit suleqataasinnaanerallu tigussaasumik ersarissumillu periusissiorinikkut aalajangersaaffigineqassasut Kommuneqarfik Sermersuumit siunnersuutigineqarpoq. Namminersorluni inuussutissarsiutinik suliniuteqarnissat suussuserneqarnissaat piviusunngortinneqarnissaallu siunertaralugit Ironbarkip

suleqatigiiffiginnaasaanik arlalinnik attuumassuteqartunillu oqartussaaffeqartiterpoq. Assersuutigalugu Kommuneqarfik Sermersooq, Sermersuumi Inuussutissarsiornermut Siunnersuisoqatigiit, Kalaallit Nunaanni Sulisitsisut, Nusuka aamma Danskit Kalaallillu Aatsitassat pillugit (Dansk-Grønlandsk Råstofklynge) siunnersuisoqatigiivi suleqatigalugit. Taamatut oqaloqatigiinnerup sukumiisumik nassuiarneqarnera siusinnerujartortillugu, minnerunngitsumik tamatuma kingorna suliniutit, siusinnerusukkullu piviusunngortinneqartillugu kalaallit suliffeqarfiutaat unammillersinnaanerujartussapput suliassanillu tigusiariartutik iminneqarnissaminut periarfissarissaarnerulissallutik.

Suliassat sorliit maannakkut kalaallit suliffeqarfiutaannut neqeroortigineqarsinnaanersut immikkut eqqarsaatigisallugit pingaaruteqartorujussuuvoq. Tamanna ilaatigut suliassanik immikkoortunik anginerusunik agguassinerni immikkut eqaatsuusariaqarnermik kinguneqarsinnaavoq, taamaalillutik suliassat tamakku kalaallit suliffeqarfiutaannit neqeroortigissallugit ajornannginnerulertik.

Ironbarkimi suliffeqarfiit ikittunnguit suliassanut immikkoortunut anginerusunut suliakkiissutiginnissaat kissaatiginartinneqartoq Kommuneqarfik Sermersuumi eqqumaffigineqarpoq, pisuni tamakkunani entreprenøritut suliffeqarfiit anginerusut nunanit allaneersut najukkani suliffeqarfinnik suleqatigiinnissamik isumaqatigiissuteqarsinnaanerat kalaallinillu aamma sulisussarsisinnaanerat pingaartinneqartariaqarpoq. Ironbarkimi najukkani suliffeqarfinnik suleqateqarnissamik pingaarnersiuisoqarneratigut iluaqutissat arlaliussasut Kommuneqarfik Sermersuumi upperineqarpoq, tassunga ilanngullugit najukkani silamik, kaperlammik, nunamik nunallu iluanik misilittakkanik pingaarutilinnik, malittarisassanik avatangiisinillu ilisimasaqarnissat aamma Kalaallit Nunaanni qitiusumik ilinniartinnik il.il. suliqaarnerni ilisimasaqarluarnissat.

Inuiaqatigiinni piujuartussamik iluaqutaasumik sunniutaasussat pillugit oqaaseqaatit amerlanerusut

Aqutissat piffissallu – 6.7.3

Citronen Fjordimut/-miit aqutissat pillugit Kommuneqarfik Sermersooq oqaaseqaatissaqarpoq, taakkulu tusarniaassummut akissuteqaatip aallaqqaataata ilaani, imm. 3-mi takuneqarsinnaapput.

Kuldioxid-imut akitsuutit

Kuldioxidimut akitsuutit pillugit apeqqut VSB-imut ilaatinneqanngitsoq Kommuneqarfik Sermersuumi maluginiarneqarpoq, aammalu suliniut CO₂-mut akitsuutit kalaallinut inuiaqatigiinnut toqqaannartumik toqqaannanngitsumillu kinguneqartussaannnginnerat Namminersorlutik Oqartussanit uppersarsarneqarnissaa ujartorneqarluni (tamanna VVM pillugu immikkoortumi uani allassimavoq 7.10.3).

Nukissiuutit pillugit apeqqut - 4.8.1

Innaallagissiuutit dieselitortut atorlugit innaallagissamik pisariaqartinneqartumik naammattumik pissarsisinnaannginneq pillugu inerniliinerit Kommuneqarfik Sermersuumit tusaatissatut tiguneqarput. Taamaattoqaraluarpuunniit tamatumunnga tunngatillugu misissueqqaarnerit pillugit paasissutissat amerlanerusut ujartorneqarput. Tamanna pissutigalugu piiaanissamik qinnuteqaateqarumaartussanut nukissiuutit avatangiisinut navianaateqanngitsut Kalaallit Nunaanni pingaartinneqartorujussuunerat ammasumik tamannalu pillugu qitiutitsisumik nalunaarutigissallugu pitsaasuusaaq. Assersuutigalugu immap naqqatigut innaallagissamut sakkortuumut

kabililersuisoqarsinnaanera eqqarsaatersuutitut ilanngunneqarsimanersoq paasissallugu aamma attuumassuteqarsinnaavoq.

Ilanngullugu Kommuneqarfik Sermersuumit maluginiarneqarpoq Kalaallit Nunaanni nukissiorneq pillugu politikki ingerlanneqartoq soorlu naluneqanngitsutut imannak ingerlammat, ingerlatsiviit illoqarfinni annertuumik ingerlatsinikkut iluaqutissartalinni inissisimasut aalisakkanik tunisassiornermik suliasaqarfimmut ilaanngitsut, taamaasillutik innaallagissamut aningaasartuutunik akilersuinermit ilanngullugu "ikummatissamut/inuussutissarsiornermik ineriartortitsinermit aamma atuutsitsinissamut akiliummik akiliuteqartarput, nuna tamakkerlugu aalisakkanik tunisassiornermit, kiisalu annertuumik ingerlatsinikkut iluaqutissartallit avataani innuttaasut suliffeqarfiillu innaallagissamut akiliutaannik akinik apparsaanermit aningaasalersueqataapput. Akuerineqarpoq Ironbarkip nammineq kisimi Citronen Fjordimi diesel-generatorinik pisinissani taamatullu tunisassiornerup kingorna atorunnaarsitsilluni piiaanissani aningaasalersussagai. Taamaattoq tunngaviatigut Kommuneqarfik Sermersooq isumaqarpoq taakkununga tunngasuni Ironbarkimut sinaakkutissatut atugassarititaasut inuussutissarsiornermik ingerlatsisunut allanut nallersuullugit sapinngisamik nalinginnaasunngorsarneqartariaqartut, aamma innersuussutigineqarluni Ironbark innaallagissamik atuinermut akitsuummik allanngorartumik assingusumik akiliuteqaqquneqarnissaanik piunasaqaatitaqartariaqartoq. Kommuneqarfik Sermersuumit akuersaarneqarpoq akitsuummik appasinnerusumik akileeqqusisoqartarnissaa naapertuutissasoq soorlu Nuummi inuussutissarsiortunut atuuttumit allaanerusumik tassunga tunngavilersuutaalluni ingerlatsiviup nammineerluni innaallagissiorfik akisussaaffigissammagu, paarlattuanik akiliutip annertussusissaa "nalinginnaasunngorsaanermit aallaaveqartariaqarluni".

Takornariaqarneq – 1.83

Nunap allanngutsaaliukkap kujasinnerusortaanii taamaallaat takornariaqartartoq pillugu eqqarsaatersuutitut Kommuneqarfik Sermersooq isumaqataavoq aamma Kommuneqarfik Sermersuumi allorniusap avannarliup 77^o-ip avannaatungaanut takornariat qanganitsanik tikitseqqusaannginnerat pillugu Nunatta Katersugaasivianit kissaatigineqartoq aamma maluginiarneqarpoq. Kommuneqarfik Sermersuumut paasissutissiissutigineqartut tunngavigalugit Nunamut Allanngutsaaliukkamut tikeraartartut amerlanerit umiarsuarnik takornariartaatinik tikittarput, tulliupput ilisimatusarnermit tunngatillugu tikittarnerit, annertunerusumik ilisimatusarfimmut Zackenberгимut. 2005-imi tikittarsimasut amerlassusiat eqqoqqissaartut Kommuneqarfik Sermersuumi pigineqanngillat, kisianni Ilisimasassarsiortarneq pillugu allaffimmit umiarsuit takornariartaatit 15-it 2014-imi Nunamut Allanngutsaaliukkamut tikissimasut allaaserineqarpoq (ilisimasassarsiortut angallataat mikinerusut). Naak tamanna pillugu aporaattoqartaranngikkaluartoq tassunga tunngatillugu Nunamut Allanngutsaaliukkamut tikittarnerni (takornariat ilisimatusartullu) paasissutissat piviusullu sukumiinerusut Kommuneqarfik Sermersuumit takorusunneqaralarput.

Suliffissuaqarneq niuernerlu - 1.9.2

Nioqqutissat, atortussat maskiinallu Akureyrikkut umiarsuarnik tikiussuunneqarnissaat naatsorsuutigineqartoq aamma tamakku annertunerusumik Kalaallit Nunaata avataani pisiarineqartarniartut Kommuneqarfik Sermersuumi maluginiarneqarpoq. Kalaallit Nunaat suliniummi pisariaqartinneqartut attuumassuteqartunik suliffissuarnik annertunerusunik tunisassiorfeqanngitsoq erseqqissaatigineqarpoq. Tamanna assut ersarippoq, kisianni Kalaallit Nunaanni assersuutigalugu amerlasoorsuunngorlugit pisiniartarfinnik inissilluareersimasunik arlalinnik suliffeqarfeqarpoq (inuussutissat inuussutissaanngitsullu) soorlu biilnik maskiinanillu eqqussuisut, inuussutissanik tunisassiorlut, sanaartornerni atortussiassanik tunisassiorlut il.il.

Tamakku ukiorpassuarni Kalaallit Nunaanniinnerminni Issittumik ilisimasaqarluartuupput aammalu nalinginnaasumik ataqatigiissaarisarnernik pikkoriffeqartuullutik - aamma Islandikkut. Tamatuma Inuiaqatigiinni piujuartussamik iluaqutaasumik sunniutaasussani matumani erseqqissaatigineqarsimannginnera Kommuneqarfik Sermersuumit ajuusaarutigineqarpoq aammalu najukkani periarfissat tunngavissilluareersimasut sukumiisumik qulaajaaffigineqarnissaat aamma oqaloqatiginninnikkut neqeerooruteqartitsisarnikkullu akuersaarneqarnissaat kaammattuutigineqarpoq.

Angallassinisanik suliassat, immaqalu aamma tammaarsimaffinniittunut sullissinissat, sapinngisamik najukkami suiffeqarfinit isumagitinneqarniarnerat pitsaasuvoq. Taamatuttaaq qarasaasiat attaveqaataannik teknikkikkut pitsaalluinnartunik aaqqiissuteqarsinnaasunik, isumannaallissaasinnaasunik aamma annertuunik annikitsunillu sanaartugassanik aserfallatsaaliuinernillu suliaqarsinnaasunik kalaallit suliffeqarfiuteqarput. Aamma taamatut kalaalimerngit nerisitsisarnerni pingaarutilittut ilanngullugit eqqarsaatigineqarput.

Attaveqaataareersut pisortallu sullissinerat pioreersoq - 1.9.8

Suliniummot angallassisarnissanut tunngatillugu Royal Arctic Line siunersiorneqarsimasoq Kommuneqarfik Sermersuumi maluginiarneqarpoq. Naak Royal Arctic Line taamatut assartugassanut umiarsuaateqanngikkaluarluni suliniummot tunngatillugu assartuisarnissaat pillugit siunnersuisarnissanut ilitsersuussisarnissanullu piareersimaniarput.

Timmisartukkat assartuussisarnissanut tunngatillugu taava suliassaq tamanna kalaallit ingerlatseqatigiiffiutaannit suliarineqarsinnaanersoq (ilaannaaluunniit) sukumiinerusumik oqaatigineqanngilaq, immaqqa maannakkut Islandimiut suleqatigisat aqqutigalugit. Kisianni Air Greenland attaveqarfigineqarsimasoq Kommuneqarfik Sermersuumit maluginiarneqarpoq (tabel 9.2, qupp. 142 takukkit).

VVM-imik nassuiaat

Kommuneqarfik Sermersuumit tamakkiisumik naatsorsuutigineqarpoq avatangiisinik illersuinissaq siunertaralugu qanoq iliornissamat piareersaatit sukanganerpaat atorineqarnissaat. Teknikkikkut aaqqiissutissat toqqakkanut tunngatillugu aamma ingerlaavartumik atortussanik atuutsitsilernermin nalunaarutiginninnermullu tunngatillugu. Avatangiisinut tunngatillugu Kommuneqarfik Sermersuumi oqaaseqaatit erseqqissut ataani allaaserineqartut ilanngukkumavai.

Gassit nunarsuarmik kissatitsisartut - 4.8.1

Suliniutip malitsigisaanik CO₂-mik aniatitsinerulernissaq Kommuneqarfik Sermersuumi ernumanartinneqarpoq, aammalu CO₂-mik aniatitsinerup sapinngisamik annikillisarneqarnissaanut suliniartoqaqqullugu kiisalu CO₂-mik aniatitsinerup ingerlaavartumik nakkutigineqarnissaa nalunaarusiarineqartarnissaalu kaammattuutigineqarpoq.

Nukissiorneq pillugu apeqqu - 4.8.1

Kommuneqarfik Sermersuumit mingutsitsisoqarsinnaanera pillugu ajornartorsiutit maluginiarneqarput (avatangiisit aamma sulisut eqqarsaatigalugit), kalaallit isaannit generatorit dieselitortut angisoorujussuit Citronen Fjordimi atorineqartussatut pilersaarutigineqartut ikkussorneqartussatut tusarniaanermi paasissutissani naammaginartumik uppernarsaasorneqanngitsut, taakkua ajornartorsiutit akuersissummik tunniussinnginnermi erseqqissaavigineqarnissaat kissaatigineqarpoq. Qanorluunniit ittoqaraluarpat Kommuneqarfik

Sermersooq naliliivoq Citronen Fjordimi innaallagissiorfiit dieselimik ingerlateqartut kingunerisaannik silaannaq gassitalimmik aniatitsisoq Kalaallit Nunaanni silaannarmik gassitalimmik aniatitsinermut annertuumik qaffariaataassasoq. Silaannap gassitalik annertooujussuaq aniasussaq pillugu Kommuneqarfik Sermersuumit pingaartinneqarpoq, ingerlatsisut nukissamik atuinerup sapinngisamik millisinnissaanik siunnerfilimmik aamma ammasumik suliniuteqassasoq.

Kommuneqarfik Sermersuumit maluginiarneqarpoq trucksit atorlugit angallannermik annertuumik pilersaarusiortoqartoq, innersuussutigalugulu suliaq taanna akitsuuseqaqqullugu soorlu Kalaallit Nunaanni inuussutissarsiutini allani taamannak ingerlatsisoqartoq (motorinut akitsuut, avatangiisinut akitsuut il.il.), aamma maskinanik avatangiisinut iluaqutaanerusunik atuilernissamut kajumissaatit.

Imermik atuineq – 5.5

Kommuneqarfik Sermersuumit maluginiarneqarpoq sumiiffimmi nunap sananeqaataanut immikkut unammilligassaartoqartoq imermik imigassamik tunngatillugu, taamaattumik ujartorlugu erngup pitsaassusaanik qulakkeerinninneq anguniarlugu iliuusissat erseqqinnerusut allaatigineqarnerat sukulluunniit erngup pitsaassusissaatut aalajangiussanut naapertuuttunik ingerlatsisoqarnera pillugu aamma Kalaallit Nunaanni imermik imigassamik nalinginnaasumik pilersuinermt upalungaarsimasassat aallaavigalugit.

Upalungaarsimaneq – 6.19.1

Soorlu naluneqangitsut sumiiffimmi avinngarusimasorujussuarmi aatsitassarsiorfimmik pilersitsisoqarnissaa pineqarmat, taamatullu angallanneq eqqarsaatigalugu nunami sunnertiasumi angallassisoqartartussaanaera pissutigalugu, Kommuneqarfik Sermersuumit pingaartinneqarpoq upalungaarsimanermut pilersaarutit erseqqissaatitallit minnerunngitsumillu piviusorsiorut saqqummiunneqaqqullugit aatsitassarsiorsinnaanermut pisinnaatitsissummik tunniussinermi aalajangiinermut tunngavilersuutit ilaattut. Taamaattumik pilersaarutit taamaattut matumuuna ujartorneqarput. Innersuutigineqarpoq ajunaarnerusinnaasut takorluukkat - naak pisinnaaneri ilimananngikkaluartut - allaaserineqarnissaat taakkunanngalu qanoq passussisoqassanersoq. Assersuutit taaneqarsinnaavoq angalaffissatut pilersaarutigineqartumi umiarsuarsuup uuliamik pajuttup aamma takornariat angallataata imminnut aporujussuarnerisa kinguneranik iliuusissat.

Pujoralak pillugu nakkutilliineq – 6.14

Kommuneqarfik Sermersuumit maluginiarneqarpoq pujoralammit ajornartorsiutit pinngitsoorneqarsinnaannginnerat inerniliunneqarsimasoq pinaveersaartitsilluni aaqqissuussisoqaraluarpalluunniit. Tamanna tunuliaqutaralugu innersuussutigineqarpoq pisinnaatitsissummik tunniussinermi naatsorsuutigineqassasoq sapinngisaq tamaat naapertorlugu teknikkikkut ikiorsiissutinik atortoqartoqarnera, aqutsisut/atuisut pujoralammut illersorneqarlutik assersuutigalugu ineeqqani naqitsinertuunik (soorlu trucksinik aquttut issiavinnik naqitsinertuunik ineerartallit)

Naggasiilluni oqaaseqaatit

Suliniut piviusunngortinneqassappat Kommuneqarfik Sermersuumit kissaatigineqarpoq Ironbarkimit pitsaasumik ineriartuutaasumik peqatigiinnermillu suleqatigiinnermik aallartitsisoqarsinnaanera, soorlu Kommuneqarfik Sermersuumit aatsitassarsiornermik ingerlatsisunit allanit tamanna misilittagaqarfignarunneqareersoq. Kommuneqarfik Sermersuumit kommunimi, innuttaasut aamma ingerlatsiviup akornanni suleqatigiinnermik pitsaasumik


ineriartortitseqataajumavoq, taassuma iluani sulisut nunaqavissut aamma sulisut avataaneersut akornanni avitseqatigiinnermik pitsaasumik pilersitsisoqarnissaanik neriuuteqartoq. Taakkua saniatigut Kommuneqarfik Sermersooq suliassanut avatangiisinut imaluunniit inuiaqatigiinnut attuumassutilinnik suliniutip avatangiisit eqqarsaatigalugit oqimaatigiissumik ineriartornissaanut iluaqutaasinnaasumik aamma kommunip pisinnaasaata, akisussaaffiata piginnaasaatalu iluanni atuuttunik suleqataajumavoq.

Tusarniaassummut akissut una Isumaginninnermut, Aningaasaqarnermut Ataatsimiititamit 17. decembari 2015-imi oqaluuserineqarpoq.

Inuulluaqqusilluta,



Aasi Chemnitz Narup
Borgmesteri aamma Aningaasaqarnermut
Ataatsimiititami siulittaasoq



Malene Lyngé
Isumaginninnermut, Suliffeqarnermut
Inuussutissarsiornermullu Ataatsimiititami
siulittaasoq